



BRITISH LIBRARY
96 Euston Road
London NW1 2DB

925001-

- 925102

Mag. St. Dr.


III

INSTRUMENTVM PACIS

Inter

Serenissimum, & Potentissimū Regem,
& Rempubicam Poloniarum, & Excelsū Impe-
rium Ottomannicum, ad Carlowiz in Sirmio, in Congressu
Generali Confæderatorum Plenipotentiariorum confectæ.

In Nomine Sanctissimæ & Individuæ Trinitatis.



D perpetuam Rei memoriam. Omnibus & singulis, quorum interest notum sit: Quandoquidem inter Regnum Polonicum, & Excelsū Imperium intercedens diuturnum dissidium, Serenissimo & Potentissimo Magnæ Britanniae, Franciæ & Hyberniae Rege, Guilielmo III, & Præpotentibus Generalibus Fœderati Belgij Statibus, sistendi humani Sangvini, & reducendæ reciprocae Quietis desiderio, ad procurandos hujus almæ Pacis Tractatus, Mediationem suam interponentibus, atq; officia omnia, & omnes conditiones Mediationis, diligenti operâ & studio explentibus, Excellentissimis Dominis ad Fulgidam Portam Legatis Plenipotentarijs, Guilielmo Domino Pagett, Barone de Beaudefert, in Comitatu Staffordienfi, ejusdem Comitatus Regis Locumtenente, ex parte Majestatis Britannicæ: & Domino Jacobo Colyer, ex parte Præpotentium Generalium Fœderati Belgij Ordinum, favente DEO, reciproca utrinq; inclinatione atq; propensione sopiri, & penitus extingvi placuerit, atq; Carlovizij ad Confinia Sirmij, ubi Congressus Legatorum Plenipotentiariorum ex Inclytæ Mediationis dispositione institutus fuerat, initis Tractatibus de Pacis Articulis cum Illustrissimo & Excellentissimo Domino Mehmet Effendi, Magno Cancellario Excelsi Imperij, & Illustrissimo atq; Excellentissimo Domino Alexandro Mauro Cordato, de Nobili Stirpe Scarlati, ab Intimis Secretis ejusdem Excelli Imperij, ad tractandam Pacem Legatis Plenipotentarijs, post aliquas Sessiones, tandem annuente Divinâ Clementiâ, Negotium hoc almæ delideratæq; Pacis feliciter in mutuas Leges coaluerit, & integerrima iterum Amicitia, & Pax inter Serenissimum, & Potentissimum Musulmannorum Imperatorem Sultanum, Filium Sultani Mehmeti, Sultanum Mustafa: & Serenissimum ac Potentissimum Regem, AUGUSTUM Secundum, Dominum meum Clementissimum & Rempubicam Poloniarum, super undecim, mutuo consensu compositis hisce Articulis, perpetuò religiosè inter utrumq; Dominium observanda, perfecta & conclusa, restituta & renovata est, qui articuli subinde singulatim describuntur.

ARTICULUS PRIMUS.

Cum excelso perpetuitati subnixo Imperio, multo abhinc tempore intercedente ope, & favore DEI Altissimi sublatâ hostilitate, conciliationi & bonæ vicinitali congruâ cum Sinceritate, antiquâ amicitia iterum coalescente, ut hostilitates utrinq; amoveantur, & Subditi pristinâ securitate, quiete, ac tranquillitate fruuntur, ante ultima duo bella constituti veteres Limites restituantur ac stabiliantur, & Confinia Provinciarum subditarum Poloniæ, à Confinijs Imperialibus tum Moldaviæ, tum aliorum Districtuum, subjectorum Excelso Imperio, antiquis Limitibus separentur ac distingvantur, nevé

)1(

utrinq;

925053

111

utrinq; aut prætenſio, aut extenſio deinceps fiat, ſed Limites antiqui ſine mutatione aut perturbatione, tanquam ſacri, religioſè obſerventur atq; colantur.

ARTICULUS II.

Quæcunq; ſive Munimenta, ſive Loca vel majora, vel minora intra veteres Moldaviæ Limites, ante penultimum bellum exiſtentes, ſita, atq; hucuſq; detenta ſunt à Dominis Poloniſ, eduſtis atq; extractis inde Poloniſ Militijs, evacuentur, & Moldaviæ Provincia maneat ex integro libera, ante poſtremum bellum, in quo erat pacifico Statu.

ARTICULUS III.

Intra veteres quoq; ante poſtrema duo bella, verſus Poloniam, Limites ſitum Camenici Fortalitium, eduſtis inde Muſulmannicis Militijs, evacuetur, & integrum relinquatur, & Podoliæ atq; Ukrainæ Provinciarum nulla deinceps ab Excelſo Imperio fiat prætenſio, & Ukrainæ Koſacorum Hatmani nomine Subſtitutus, qui modò in Moldavia reſidet, Hatmanus amoveatur. Cumq; limites antiqui Poloniæ & Moldaviæ manifeſti ſint, ſi commodum fuerit tempus, ab initio futuri Martij inchoetur evacuatio, & quam citius fieri poterit, quamprimùm Polonica militia è Moldavia educatur, & Munimenta & Loca illius evacuentur, & Moldavia maneat libera. Simulq; ab initio Martij Camineceſis Fortalitij evacuatio inchoetur, atq; evacuationis negotium, ubi priùs perfici poterit, ſine hæſitatione, & ſine tarditate ac negligentia in executionem deducatur, & Camineceſis Fortalitij evacuatio ad ſummum uſq; in decimum quintum menſis Maij ad finem perducatur; & quò cum facilitate & celeritate dicti Fortalitij fiat evacuatio, ad onera imponenda, & transvehenda, quoad fieri poteſt, curribus & Jumentis transportationem coadjuvent Poloni, & ubiq; evacuationis negotium cum ſecuritate & ſalva re peragatur: in quibus evacuationibus Fortalitiorum, & aliorum Locorum, quoquo Pado munitorum è Subditis, quicunq; voluntariè exire velint, cum proprijs rebus & Suppellectile exeant tutò & ſecurè, & quicunq; remanere velint, item tutò remaneant, & utrinq; nullatenus impediuntur. Et cum evacuatio Fortalitiorum & Locorum à principio Martij Menſis utrinq; inchoari debeat, instantiam de Tormentorum Cameniegi reſiſtione, ſcilicet ex proprijs atq; ibi repertis, Ablegatus Polonus quamprimùm ad Fulgidam Portam expediendus, afferat ad Solium Imperatoris.

ARTICULUS IV.

Nemo Subditorum Excelli Imperij cujuſcunq; conditionis, præſertim verò Tartari, cujuſcunq; Gentis, ſub cujuſvis prætenſionis, & controverſiæ prætextu, in Subditos Regis & Reipublicæ Poloniarum, & in Limites eorum hoſtilitates exercere, excuſiones agere, Captivos rapere, Pecora abigere, aut quidquid damni inferre, nevé eos offendere poſſit, expreſſis Regijs Edictis committatur, & demandetur Veſirijs, Beglerbegis, & feliciffimo Crimenſi Hano, Carelgaio, & Nuradino, & reliquis Soltanis, ac Woiewodæ Moldaviæ, ut adhibita maximà ſedulitate obſervent & conſervent Confiniorum pacificam tranquillitatem, & conciliationem atq; quietem, nevé aut in captivationibus, aut Pecorum abactionibus, aut quacunq; aliâ ratione damnis & moleſtijs afficiant Poloniæ Subditos, & ſeveriffimè inquirent in perturbatores & transgreſſores conditionum Pacis, atq; habitâ notitiâ ad exemplum aliorum in illos animadvertant, & rapta adinventâ proprijs Dominis reſtituantur, & ſi qui hac de re negligenter ac oſcitanter agant, ſive amiſſione officiorum, ſive privatione vitæ, prout ex divinis Legibus convenit, juſtè puniantur. Pariter Poloni has conditiones Pacis omnino, & ſedulò obſervent atq; colant, & nemo in oppoſitum quidquid audeat.

ARTI-

ARTICULUS V.

Cum Regnum Poloniae ab antiquo sit liberrimum, ab Excelso Imperio aut subjectis eidem Gentibus, qualiscunq; praetensionis, aut expostulationis praetextu, nullâ penitus hostilitate perturbetur, & conclusae istius aeternae Pacis Pactorum vi, ad tales praetensiones nequaquam adstringantur.

ARTICULUS VI.

Tempore huiusce belli Budziacenses, & alij Tartari è proprijs Locis exeuntes, atq; in Terras Moldavorum ingressi, hostilitates ac offensiones hac occasione in Moldavos & Moldaviam exercent: quod cum sit contrarium sacris Capitulationibus ante hac concessis Regibus Poloniae, ac proinde cessare ac sustolli debeat, à quibuscq; Locis & possessionibus, & praedijs, & hyemalibus in Moldavia aut occupatis, aut de novo extructis Tartari amoveantur, & nativis proprijs Locis habitent, atq; pacifice vivant, & imposterum nullas offensiones faciant.

ARTICULUS VII.

Religiosi Christiani Romano-Catholici juxta concessa ab Excelso Imperio edicta, ubicunq; Ecclesias suas habent, consuetas suas functiones sine impedimento exercent, & pacifice vivant: & ulterius sibi commissas Instantias de Regione extraordinarias ad Fulgidam Portam Magnus Legatus ad Imperatorium Solium exponat.

ARTICULUS VIII.

Cum Res Mercatoria è fructibus Pacis existat, atq; Provincias in meliorem conditionem reducat, utriusq; Dominij Mercatores imposterum non per occulta loca meantes, sed per loca transitui oportuna ultro citroq; euntes & redeuntes, postquam solverint juxta consuetum ab antiquo Telonium rerum portatarum & exportatarum, novis exactionibus, & expostulationibus nequaquam molestantur, nevé ex numerata pecunia Telonium exigatur: & quicunq; nativi Subditi Poloniarum, & Lithvaniae, & aliarum subjectarum ejusdem Nationum ad Mercimoniam agendam venientes, & nullum damnum inferentes, praedictâ ratione mercaturam & coemptionem, & venditionem, sicuti in antecedentibus, sacris Capitulationibus etiam declaratur, exactione tributi dicti Haracz, & alijs inordinatis exactionibus ne molestantur. Verum enim verò, si qui relictis suis Regionibus in Imperij regnis sedem figant, & si qui alij Exteriores se se Polonis immisceant, tales ne possint esse detrimento Reipublicae. Mercatores Polonorum redeuntes ex armis, & equis, & jumentis, & captivis, qui liberationis suae instrumentum legitimum habentes in Patriam redire voluerint, nihil exigatur, & ne quisquam impedimento sit taliter abeuntibus captivis. Verum sub isto praetextu sine facultate nemini liceat verita abducere. Praeterea opibus & rebus Mercatorum utriusq; Dominij, quibus in alijs Regionibus mori contingat, publici Confiscatores & Partitores ne ab utralibet parte sese immisceant, sed inter Mercatores, cui fides adhibetur, tradantur, ut juxta catalogum depositionis haeredibus tradat; si quis autem casus acciderit inter Mercatores, inter ipsos Praepositi decisione definiatur, ipse verò, quibus debet, rationem reddat. Ad debitum sive Scripto, sive Instrumento Judiciario non affirmatum solvendum contra Divinas Leges nemo compellatur, nevé Testimonijs solis conductitijs lites debitorum & sponsonum dicantur, aut audiantur, Instrumentis scilicet legitimis & Scriptis ante extraditis, sacris Mandatis perlectis atq; consideratis, justè ac debite causae decidentur, atq; in similibus causis contexta & statuta in sacris Capitulationibus, ut alijs confederatis Nationibus concessa, in Polonos etiam Mercatores extendantur, & ulterius speciatim Polonis antehac concessorum, & in manibus eorundem servatorum sacrorum Edictorum sensus quoq; colatur & observetur.

ARTICULUS IX.

Captivi tempore belli abacti, pretijs illorum juxta Leges comprobatis aut datis Juramentis in manifestum productis atq; solutis juxta antecedentiū Capitulationum hac de re declarationem eliberentur. Si verò tales Captivi multo tempore servierint, ex discretione pretia emptionum cum imminui debeant, si honesto & mediocri pretio cum Domino Captivi conveniri non poterit, Judices Locorū legitimè procedentes, tales differentias componant. Si aliquā occasione post conclusionem Pacis ex Regionibus Polonicis Captivi rapiantur, sine pretio dimittantur: & in Regnis Excelsi Imperij, & inter Tartaros etiam ad eliberandos Polonos captivos circumeuntes Homines, quandoquē res suas pacificè agerent, prætextu operæ eliberationi Captivorum navatæ, aut aliā ratione neutiquam offendantur, quinimò offendentes & detrimentum inferentes puniantur, Captivi in publicis Carceribus detenti permutatione utrinq; in libertatem asserantur. Magnus verò Poloniarum Legatus de Captivis suas Instantias ad Solium Imperiale afferre poterit.

ARTICVLVS X.

Quandoquē; Serenissimus Rex Poloniæ in stabilita cum Excelsio Imperio Pace firmiter permanebit, sicuti in antecedentibus Capitulationibus declaratur, Moldaviæ Woiewodam eā ratione, quā ab antiquo cum Regibus Poloniarum sincerè tractet: cæterum instar aliorum Subditorum Excelsi Imperij, uti prius, pacati sint, & à Moldaviæ atq; Wallachiæ Provincijs, si qui transfugerint, ne recipiantur; si qui aliā methodo in Poloniæ Dominium irrepsierint, ac postea Provinciam suam perturbare, & corrumpere deprehensi fuerint, similes Homines, quando perquirentur, reddantur, & conditio ista, cum in antecedentibus Capitulationibus clarè, & manifestè posita sit, observetur. Pariter & Subditis Polonis, siue Poloni illi sint, siue Kosaci, cujuscunq; Nationis extiterint, quando perturbationem afferent, hinc etiam neq; recipiantur, neq; protegantur, sed retrò reddantur. Et universi, quicunq; turbare voluerint Pacem atq; Amicitiam, haccine ratione conclusam, ex merito puniantur.

ARTICVLVS XI.

Quæcunq; conditiones, & Clausulæ in antecedentibus Capitulationibus descriptæ atq; contentæ, nullatenus adversantur de recenti conclusis Pactis, neq; oppositæ sunt liberis, & perpetuis Juribus utriusq; Domini, deinceps etiam colantur, & observentur, quæ verò contrariæ sunt, cassentur, & annihilentur, favente & annuente DEO Altissimo. Quæ utrinq; declaratis, & exaratis Articulis perfectiori, & exactiori ratione conclusa Pax, & Conciliatio inter Majestates Serenissimi & Potentissimi altè memorati Poloniarum Regis, Domini mei Clementissimi, & Successorum ejus, & Rempublicam Poloniam, & ex altera parte Serenissimi, & Potentissimi Musulmannorum Imperatoris, ejusdemq; Hæredum, ex voluntate & Clementia DEI perpetua, stabilis, firma, & inconcussa permaneat, & conservata, atq; custodita sit ab omni turbatione, & mutatione, & confusione, & violatione, & uno eodemq; tenore firmissimè perseveret, & constantissimè continuet; & ut omnes omnino hostilitates amoveantur atq; sustollantur, quam citissimè noticia præbeatur in Confinijs, Præfectis & Gubernatoribus, ut sibi caveant, ne imposterum transgressionem fiant, neve altera pars alteri damna inferat. Verū enim verò omnes utrinq; sincerè & amicè sese præstent juxta istam almam Pacem. Ut autè omnibus cognita, & comperta sit istius almæ Pacis Conclusio, triginta dies pro termino ponantur: post quem nullus prætextus, nullaq; excusatio acceptabitur, sed in eos, qui adversabuntur, editis Edictis exactam obedientiam merentibus severissimè animadvertatur. Post Subscriptionem autem Instrumentorum utriusq; Partis Ablegatus prius à Polonia missus, & ad Fulgidam Portam veniens, juxta antiquam consuetudinem afferat Regias publicas Litteras, Ratificationem Pactorum Instrumentis declaratorū continentes, atq; Litteras Imperatorias ratificatorias, item accipiat & deducat; Postea verò ad solennem confirmationem Pactorum Pacis, & perfectionem reciproce sinceritatis, & absolutam terminationem mutue Amicitie, & dispositionem, ac digestionem reliquarum rerum, juxta laudatum veterem morem, adventurus Magnus Legatus, quamprimū commodè fieri poterit, moveat, ac proinde undecim numero Pactis conclusa juxta istas conclusiones alma Pax ab utraq; Parte acceptetur atq; colatur. Cum verò altè memorati Illustrissimi, & Excellentissimi Domini Excelsi Imperij Plenipotentiarj & Commissarij existentes Legati, vi suæ Facultatis, & auctoritatis Turcico Sermone exaratum legitimum & validum instrumentum tradiderint, ego quoq; vi Facultatis, & Deputationis meæ propriā manu subscriptas, & Sigillo sigillatas à me præsentis Pactorū Litteras tanquam legitimum, & validum Instrumentum tradidi. FINIS.

